

TEZAUUR LITURGIC
17 SEPTEMBRIE

ACATISTUL
SF. MUCENIȚE
SOFIA, PISTIS,
ELPIS ȘI AGAPIS
DE LA ROMA



MOSCOVA, 2000



Акафист

святѣм мученицам Вере, Надежде, Любви и матери их Софии

Кондак 1

Избранным рабам Господа Вседержителя, Вере, Надежде и Любви, и мудрей матери Софии, похвальная вам пения умиленно возносим. Вы же, яко дерзновение ко Христу Богу имуще, молитися за ны, во еже избавитися нам грехов и скорбей, да благодарственно вопием вам:

Радуйтеся, Вєро, Надеждо и Любы, купно с Софиєю, материю вашею премудрою.

Икос 1

Ангели на Небеси радовахуся, добродетельное житие ваше зряще, еже провождаете в чтении Писаний Божественных, в трудех, постѣ, молитве и милостыни, материю вашею непрестанно сущи поучаемы, да явитесь образи живии трех богословских добродетелей, ихже именами

наречены́ бы́сте. Мы же, тако́вѣй му́дрости ма́тере ва́шея и соверше́нному благо́разумию ва́шему дивя́щеся, благоговѣ́йно рцем вам:

Ра́дуйтеся, единомы́сленныя сестры́, три́ем добродѣ́телем тезоимені́тыя;

ра́дуйтеся, в повинове́нии богому́дрей ма́тери ва́шей на стѣ́пени соверше́нствованія вше́дшия.

Ра́дуйтеся, а́ки три райскія вѣ́тви, в злове́рнем Ри́ме возра́сшия;

ра́дуйся, Софі́е, дще́рем твои́м имена́ добродѣ́телей наре́кшая, я́же ве́щию исполня́ти научи́ла еси́.

Ра́дуйся, Ве́ро, ве́рою невиди́мое, я́ко ви́димое, зрѣ́ти нам помога́ющая;

ра́дуйся, в нетле́ние облече́нная.

Ра́дуйся, Наде́ждо, наде́ждою страда́нія на́ша во юдо́ли ско́рби ослабля́ющая и в го́рняя десни́цею указу́ющая;

ра́дуйся, Ца́рствие Небе́сное унасле́довавшая.

Ра́дуйся, Любы́, любви́ю Божѣ́ственною блаже́нство безсме́ртныя жи́зни нам открыва́ющая;

ра́дуйся, благода́тию Ду́ха Свята́го осия́нная.

Ра́дуйся, Софи́е, си́есть премудро́сть,
прему́дре дще́ри твоя́ воспита́вшая;

ра́дуйся, в добродете́лех ве́ры, наде́жды и
любе́ нас утвержда́ющая.

Ра́дуйтесь, Ве́ро, Наде́ждо и Любы́, купно́ с
Софи́ею, ма́терию ва́шею премудро́ю.

Конда́к 2

Ви́дящи му́драя Софи́я слуги́, пришед́ша
звати́ ю со дще́рьми ко царю́ Адриа́ну, и
позна́вши вину́ призва́ния своего́, ста со ча́ды
свои́ми на моли́тву, по́мощи Бо́га прося́щи. По
моли́тве же, е́мшеся за ру́це, я́коже вене́ц
уплетенный, идя́ху вку́пе, пою́ще Христу́ Бо́гу:
Аллилу́иа.

И́кос 2

Ра́зум несумне́нный имели́ есте́, свята́я, егда́
бо в пала́ты ца́рския́ введе́ны бы́сте, царе́ви
Адриа́ну предста́сте с лице́м све́тлым, очесы́
веселы́ми и се́рдцем му́жественным. Царь же,
зря́ честна́я лица́ ва́ша неустраше́нна и
му́дрость Софи́и уве́дев, отложи́ на ино́ время́
суд свой и отсла́ вы к не́коей благоро́дней жене́,
у нея́же пребы́сте три́ дни, ма́тери ва́шей
прему́дрей богодухнове́нными словесы́ день и

нощъ вас поучающей. Тѣмже ублажающе вас, зываемъ сѣце:

Радуйтеся, три непорочныя агницы Христо-вы, венецъ добродѣтелей въ себѣ совокупившия;

радуитеся, три добродѣтельныя сестры, твердую вѣру, несомнѣнную надежду и нелицемѣрную любовь ко Господу Богу явившия.

Радуйтеся, не пощадившия красоты и младости вашея, Краснѣйшаго ради добротою паче сыновъ человѣческихъ;

радуйся, Софіе, чада твоя возлюбленная на подвигъ мученический за Христа наставлявшая.

Радуйся, Вѣро, мучениемъ за Христа вѣру твою исповѣдавшая;

радуйся, сестры твоя крепкою вѣрою воздвизавшая.

Радуйся, Надеждо, твердое надеяние на Христа возлагавшая;

радуйся, сестры твоя неослабною надеждою укреплявшая.

Радуйся, Любы, муками за Христа любовь твою дѣйственную показавшая;

ра́дуйся, сестры́ твоя́ огнёмъ любве́
огражда́вшая.

Ра́дуйся, Софіе, сла́дкая ча́да твоя́
увещава́вшая презре́ти сла́ву и бога́тство и всю
сла́дость ми́ра сего́ тле́ннаго;

ра́дуйся, до́брыя дщери́ твоя́ до кро́ве ста́ти
за Го́спода и умре́ти за Него́ усер́дно учив́шая.

Ра́дуйтеся, Ве́ро, Наде́ждо и Любы́, купно́ с
Софіею, ма́терию ва́шею прему́дрою.

Конда́к 3

Си́лою Боже́ственною осене́ны́ бя́ху
му́ченицы, я́же добродете́ли и́мен свои́х яви́ша
де́лом в по́двизех му́ченических, воспева́юще
Бо́гу: Аллилу́иа.

И́кос 3

Иму́ще в себѣ́ святы́я му́ченицы столпъ ве́ры,
криле́ наде́жды и огоньъ любве́, в сла́дость
послу́шающия от словѣс ма́тере своея́, еди́на
другу́ю в долготерпе́нии утвержда́ху и ра́достно
идя́ху, жела́юще честна́го му́ченичества, е́же за
Христа́. Тому́ покланя́ющесе, я́ко Бо́гу на́шему,
сицевы́ми вас воззва́ньми почита́ем:

Ра́дуйтеся, ни ма́ло не поскорбе́вшия о лише́нии вре́меннаго сего́ живота́ вѣчныя ра́ди жи́зни;

ра́дуйтеся, че́сти ра́ди Христо́вы плоть на му́ки преда́вшия.

Ра́дуйтеся, три многоце́нныя сосу́ды ве́ры, наде́жды и любве́ Бо́гу в дар прине́сшия;

ра́дуйся, Софи́е, я́ко, любве́ ра́ди презельныя ко дще́рям твои́м, всем се́рдцем возжелéла еси́, да Ца́рствие Бо́жие насле́дуют.

Ра́дуйся, Ве́ро, ду́ши на́ша ве́рою озаря́ющая;
ра́дуйся, к тѣхому приста́нищу нас возно́сящая.

Ра́дуйся, Наде́ждо, се́рдца́ на́ша сла́достью наде́жды оживля́ющая;

ра́дуйся, из пучи́ны отча́яния нас извлека́ющая.

Ра́дуйся, Любы́, страда́ния и ско́рби на́ша в ра́дость прелага́ющая;

ра́дуйся, окаменéнная се́рдца́ на́ша во умилéние преводя́щая.

Ра́дуйся, Софи́е, му́дростию на благо́е нас наста́вляющая;

ра́дуйся, потемнённое о́ко душ на́ших просве-
ща́ющая.

Ра́дуйтесь, Ве́ро, Наде́ждо и Любы́, купно с
Софи́ею, ма́терию ва́шею премúдрою.

Конда́к 4

Бу́ря я́рости мучи́телевы нападе́ на тя, свята́я
Ве́ро, но не поколеба́ тя. Кто бо возмо́жет ве́ру
неодоли́мую подвигну́ти, адама́нта крепча́йшую,
я́же ве́рных научи́ла есть пе́ти с тобо́ю Бо́гу:
Аллилу́иа.

И́кос 4

Слы́шащи му́драя ма́ти дщери́ своя́ пред
ца́рем небо́язненно Христа́ испове́дающая и
глаго́лющая, я́ко того́ едина́го жела́ют, е́же бы
страда́ти и терпе́ти го́ркия му́ки сла́дкаго ра́ди
Иисúса Христа́, ра́довашеся вельми́ и моля́ше
Бо́га, да укрепи́т я в предлежа́щих му́ках. Си́е
у́бо изволе́ние похваля́юще, пе́рвейшей дщери́
му́дрыя ма́тере та́ко воспоём:

Ра́дуйся, Ве́ро, немилосе́рдая би́ения
Сладча́йшаго ра́ди Иисúса сла́дце прие́мшая;

ра́дуйся, урэ́занная сосца́ твоя́, а́ки два
кри́на чистоты́, в же́ртву Го́споду прине́сшая.

Ра́дуйся, я́ко от я́звы твоея́ вме́сто кро́ве мле-
ко́ истече́;

ра́дуйся, я́ко на раска́ленное желе́зо
положе́на была́ еси́.

Ра́дуйся, я́ко в коно́б кипя́щ вве́ржена су́щи,
ни ма́ло не опали́лася еси́, ни же́ вреди́лася еси́;

ра́дуйся, пла́мень страсте́й на́ших небе́сною
прохла́дою утиша́ющая.

Ра́дуйся, огнь муче́ний на́ших в боле́знях
угаша́ющая;

ра́дуйся, зна́мением ве́ры посреде́ напа́стей
нас зна́менающая.

Ра́дуйся, щито́м ве́ры во бра́ни со враго́м нас
покрыва́ющая;

ра́дуйся, честну́ю главу́ твою́ за Главу́ Це́ркве,
Христа́ Бо́га, под мечь ра́достно прекло́ншая.

Ра́дуйся, я́ко обагрени́ем кро́ве твоея́, а́ки
червлени́цею оде́яна, яви́лася еси́ очесе́м
Безсме́ртнаго Жени́ха твоего́;

ра́дуйся, к желе́нному краю́ прише́дшая и
люби́мага Спа́са и Го́спода узрэ́вшая.

Ра́дуйтесь, Ве́ро, Наде́ждо и Любы́, купно́ с
Софи́ею, ма́терию ва́шею премудро́ю.

Кондак 5

Богозданным звездам уподобилися есте, Вѣро, Надѣждо и Любы, всем бо сѣрдцем прилепившиися ко единому вѣчному Животу и Красоте неизреченней, Иисусу Христу, скоро шествовасте, во еже умрѣти за Него и насладитися Божественнаго Его видѣния, поюще Ему: Аллилуиа.

Икос 5

Видевше добропобѣдныя сестры святую Вѣру радостно за Христа пострадавшу, и сами хотяху души своя за Него положить: царь же Надѣжду святую начат испытovati, и видев ю с сестрою единомысленну сущу, на муки впадѣ ю, обаче ничтоже успе. Мы же, Надѣжду святую о сицевом ея мудрованіи ублажающе, воспоим и прославим ю:

Радуйся, Надѣждо, жестоко биенная, обаче пресветлую надѣжду на Господа не потерявшая; радуйся, муки твоя безропотно в молчании терпѣвшая.

Радуйся, и нам крепкое терпѣние подающая; радуйся, яко в разжженней печи неопалѣема бывши, хвалу Богу возсылала еси.

Ра́дуйся, я́ко и нас во страда́ниих хвалі́ти
Бо́га науча́еши;

ра́дуйся, я́ко ногтьми́ желе́зными стро́гана
была́ еси́.

Ра́дуйся, нас, су́щих в ско́рбех, луча́ми на-
де́жды осиява́ющая;

ра́дуйся, я́ко чу́дное не́кое благоуха́ние от язв
твои́х исхожда́ше.

Ра́дуйся, непоколеби́мое упова́ние на Го́спода
Иису́са неизме́нно сохра́ншая;

ра́дуйся, безнаде́жность и безси́лие в сердца́х
на́ших истребля́ющая.

Ра́дуйся, ме́чное посече́ние за Христа́ радост-
но прии́мшая;

ра́дуйся, я́сная денни́це, нам, печа́льми
земны́ми угнетённы́м, мир ве́чный
раскрыва́ющая.

Ра́дуйтесь, Ве́ро, Наде́ждо и Любы́, купно с
Софи́ею, ма́терию ва́шею премудо́рою.

Конда́к 6

Пропове́дником и апо́столом богоно́сным
подобны́ бы́сте, богому́дрыя сестры́:
добродете́льми бо ва́шими пропове́дасте всем

вѣрнымъ вѣру, надѣжду и любовь ко Господу, Владыце всех, Тому поюще: Аллилуиа.

Икос 6

Воссияла еси, аки солнце, Любы святая, кто бо сице за возлюбленнаго Господа своего можаше стати, якоже любви, понеже писано есть: «Крепка яко смерть любви, вода многа не может угасити любве, и реки не потопят ея». Молим ти ся ныне, Любы святая, серафимским пламенем любве ко Господу горящая, обнови окамененная и изсохшая сердца наша, возжги в нас, оскудевших любовью, свет любве, да возлюбльше Господа и вся ближняя наша, тебе яко молитвенницу нашу, восхвалим сице:

Радуйся, Любы, яко любве твоея ко Христу воды многи прелестей мирских не угасиша;

радуйся, яко вся ласкания и дары царевы отвергши, душу твою за Господа положила еси.

Радуйся, яко любве твоея реки бед и страданий не потопиша;

радуйся, за Господа Иисуса на колеси протягнутая, жезлием биенная, свердлами прободенная и в печь огненную вверженная.

Ра́дуйся, я́ко в лю́тых му́ках твои́х си́лою Бо́-
жию укрепля́ема была́ еси́;

ра́дуйся, кро́вию твоёю, любви́ ради́ к
Безсмертному Жениху́ твоему́ Христу́
излия́нною, в хла́дных сердца́х на́ших любви́
возбужда́ющая.

Ра́дуйся, я́ве показав́шая нам, я́ко любви́ ра́-
ди вся муче́ния сла́дце претерпева́ются;

ра́дуйся, явив́шая нам, я́ко любви́ Божествен-
ная приво́дит к животу́ вечно́му.

Ра́дуйся, са́мою ве́щию уверив́шая, я́ко любви́
Божественная открове́ние есть безсмер́тия;

ра́дуйся, я́ко ника́яже мучи́тельства
возмо́гша разлучи́ти Любо́вь от любви́ Христо́-
вы.

Ра́дуйся, в му́ках апо́стольски вещав́шая, я́ко
не разлучи́т тя от любви́ Бо́жия ни скорбь, ни
тесно́та, ни гоне́ние, ни глад, ни нагото́а, ни беда́,
ни меч;

ра́дуйся, любви́ ради́ Христо́вы мече́м во гла-
ву́ усече́нная.

Ра́дуйтесь, Ве́ро, Наде́ждо и Люби́, купно́ с
Софи́ею, ма́терию ва́шею премудро́ю.

Кондак 7

Хотяще скорее от тела разлучитися и со Христом быти, святыя дѣвы, егда на мѣчное посечѣние идяху, едина другую и мать свою Софию объѣмлюще лобызахуся, дружескому нас люблѣнию поучающе, да вси купно поем Богу: Аллилуиа.

Икос 7

Новое чудо показа Господь, егда помощь Свою посла страдавшим за исповѣдание имени Его толико юным дѣвам: верою бо, надеждою и любовью укрепляемы и возносимы бывше, доблественно подвиги своя скончаша. Мы же в единомыслии и единопутности до конца живота пребывших молим вас, да и нам низпослете единомыслие в совершении добрых дел, умиленно величающим вас:

Радуйтеся, Веро, Надеждо и Любы, едином путем мучений до врат небесных шедшия;

радуйтеся, в пресветлый чертог прелюбезнаго Жениха вашего во гласе радования вшедшия.

Радуйтеся, яко Иисус Христос просвети, якоже звезды на небеси, раны на телесех ваших;

ра́дуйся, Софи́е, до́блественне на му́ки ча́д твои́х взира́вшая.

Ра́дуйтесь, я́ко небе́сною красо́тою, ея́же о́ко не ви́де, украси́ Госпо́дь добро́ту ва́шу, му́ками отъя́тую;

ра́дуйтесь, венцы́ воздая́ния прие́мшия.

Ра́дуйтесь, а́ки три зве́зды́, Со́лнцем пра́вды озаре́нныя;

ра́дуйся, Софи́е, в му́жественном испове́дании дще́рьми твои́ми и́мене Христо́ва утеше́ние ве́лие обрётшая.

Ра́дуйтесь, мглу́ сомне́ний на́ших рассеява́ющая;

ра́дуйтесь, нас удруче́нных страда́ньми душе́вными и теле́сными, подкрепля́ющая.

Ра́дуйтесь, красо́тою любве́ сердца́ на́ша украша́ющая;

ра́дуйся, Софи́е, крѣпосте́ и утеше́ние изнемога́ющих в беда́х и ну́ждах.

Ра́дуйтесь, Ве́ро, Наде́ждо и Любы́, купно́ с Софи́ею, ма́терию ва́шею прему́дрою.

Кондак 8

Странное и непонятное нам немощным, в мирских сластях погрязнувшем, зрим дело, яко Софiя святая, возлюбленных чад своих видящи лютыя и горькия муки и смерти, ни мало не поскорбе, но возрадовася zelo духом, поющи Богу: Аллилуиа.

Икос 8

Вся бе в вышних мудрая Софiя, егда дщери своя сладкими словесы и мудрыми увещаньми на мучения подвизаше. Аще же от естества к слезам преклоняшеся абие, от любви Христовы прелагашеся на радость, печаль бо сердечную и болезнь о чадах матернюю победи в ней любви Божия. Велию убо любовью дщери своя любящи, паче всего тем Царствия Небеснаго желаше. Сего ради, чудящеся мудрости и велицей любви твоей ко дщерем и славяще тя, зываем:

Радуйся, Софiе, яко возвеселися душа твоя о блаженней кончине дщерей твоих, святое имя Господа дерзновенно исповедавших;

радуйся, в мученичестем венчании чад твоих честь и славу приявшая.

Ра́дуйся, уча́стия му́ченическаго и спребыва́ния со дще́рьми в небесней сла́ве Христа́ Бо́га сподо́бльшаяся;

ра́дуйся, честна́я телеса́ дще́рей твои́х с ра́достными слеза́ми поgréбшая.

Ра́дуйся, три дни грóбу их приседе́вшая и сном сме́рти о Го́споде почи́вшая;

ра́дуйся, а́ще и не плóтию, о́баче се́рдцем за Христа́ страда́вшая.

Ра́дуйся, я́ко три добродéтельныя дще́ри, си́ми ве́ру, наде́жду, любóвь к Бо́гу яви́вши, в дар Пресвяте́й Тро́ице принесла́ еси́;

ра́дуйся, я́ко чадорóдия ра́ди спасла́ся еси́.

Ра́дуйся, дивная ма́ти, благия́ па́мяти досто́йная;

ра́дуйся, дще́ри твоя́, да кровь свою́ за Христа́ пролию́т, моли́вшая.

Ра́дуйся, умудря́ющая ны, да блюде́м непрелóжно добродéтели ве́ры, наде́жды и люб-ве́;

ра́дуйся, Животворя́щей Тро́ице за ны моля́щаяся.

Ра́дуйтеся, Ве́ро, Наде́ждо и Любы́, кúпно с Софи́ею, ма́терию ва́шею премúдрою.

Конда́к 9

Вси А́нгели дивля́хуся о страда́ниих ва́ших, святы́я му́ченицы, и побéду ва́шу над диа́волом торжествúюще, ду́ши же ва́ша к Небеси́ провожда́юще, воспева́ху Христу́ Бо́гу: Аллилу́иа.

И́кос 9

Витии веле́речивии вся страда́ния ва́ша за Христа́ не возмо́гут изре́щи, дивя́щися же толи́ким подвиго́м, во млады́х лéтех подъя́тым, немо́тствуют. Мы же о честне́й кончи́не ва́шей Бо́га прославля́юще, велича́ем вас си́це:

Ра́дуйтеся, Ве́ро, Наде́ждо и Любы́, пою́щия хвалу́ Бо́гу, на не́бо небесе́ возше́дшему;

ра́дуйтеся, щите́ ве́ры, бронé наде́жды и свети́льниче любве́.

Ра́дуйтеся, зрени́ем пресве́тлаго лица́ Бо́жия наслажда́ющися;

ра́дуйся, Софи́е, благочестивы́я ма́тери на му́дрое воспита́ние чад их наставля́ющая.

Ра́дуйтеся, поуча́ющия ны, да взы́щем Го́спода, и жи́ва бу́дет душа́ на́ша;

ра́дуйтеся, с ве́рою, наде́ждою и любóвию прибега́ющих к вам те́пльыя моли́твенницы.

Ра́дуйтеся, вразумля́ющия ны, я́ко вся сла́дость и преле́сть ми́ра сего́ я́ко дым исче́зает, я́ко прах от ве́тра размета́ется и в персть обра́щается;

ра́дуйся, Софи́е, всем се́рдцем Го́спода Бо́га возлю́бльшая.

Ра́дуйтеся, а́ки три́е све́тлии ключи́, ко еди́ному Исто́чнику жи́зни прите́кшии;

ра́дуйтеся, а́ки три́е благово́ннии цвёти, на еди́ней благопло́дней ве́тви прозя́бшии.

Ра́дуйтеся, а́ки три́ зерца́ла, безпреде́льную красоту́ Бо́жию в себе́ отража́ющая;

ра́дуйся, Софи́е, а́ки ма́слина, три́ ве́тви, отягче́нныя изобильны́ми пло́ды даро́в Бо́жиих, произра́стшая.

Ра́дуйтеся, Ве́ро, Наде́ждо и Люби́, купно́ с Софи́ею, ма́терию ва́шею прему́дрою.

Кондак 10

Спасти́ хотяще ду́ши своя́ святы́я мученицы, любве́ ради́ Христо́вы ласка́ния царева́ и бога́тства ми́ра сего́ тле́ннаго презре́ша и ра́достно кончи́ну мученическую́ за Христа́ прия́ша, пою́ще Ему́: Аллилу́иа.

Икос 10

Стена́ми ве́ры, наде́жды и любве́ явля́ются святы́я мученицы́ всем, прибега́ющим к ним с те́плою и усер́дною моли́твою и си́це в печа́лех и напа́стех к ним вызы́вающим:

Ра́дуйтесь, язв грехо́вных добра́я целительницы́;

ра́дуйтесь, во тьме печа́ли на́шея све́том упова́ния ны озаря́ющия.

Ра́дуйтесь, посреде́ напа́стей и скорбе́й дивный покой́ нам посыла́ющия;

ра́дуйся, Софи́е, о нас, в злострада́ниях пове́рженных, му́дрое попече́ние явля́ющая.

Ра́дуйся, Ве́ро, крест спасе́ния пред на́ми воздвиза́ющая;

ра́дуйся, немо́щи на́ша по моли́твам к тебе́ изцеля́ющая.

Ра́дуйся, Наде́ждо, я́корь изба́вления нам по-
даю́щая;

ра́дуйся, уны́ние серде́ц на́ших бла́гостно
отъе́млющая.

Ра́дуйся, Любы́, твои́м ко Го́споду ходата́й-
ством в зле́й напа́сти от неча́янных сме́рти ны
огражда́ющая;

ра́дуйся, изнемога́ющая си́лы на́ша на
бо́дрость возста́вляющая.

Ра́дуйся, Софи́е, приле́жная о нас к Бо́гу
моли́твеннице;

ра́дуйся, в до́брех де́лах на́ших му́драя нас-
та́внице.

Ра́дуйтесь, Ве́ро, Наде́ждо и Любы́, купно́ с
Софи́ею, ма́терию ва́шею прему́дрою.

Конда́к 11

Пе́ние си́е похва́льное, а́ще бы и
тмо́численное приноша́хом вам, святы́я
му́ченицы, не бы́ довлело́ ко просла́влению доб-
родете́лей и по́двигов ва́ших. Оба́че хвалу́ Бо́гу
возсыла́юще за вся, я́же во святы́х Свои́х нам
явля́ет, Тому́ поём: Аллилу́иа.

И́кос 11

Свѣтом небѣсным предъ Гóсподем горящим
свещамъ подобны Вѣра, Надѣжда и Любы́, купно
с материю ихъ Софіею, к нимже припадаемъ,
моляще, да просветятъ ны, омраченныя печальми
и из глубины́ сердецъ зовущия:

Ра́дуйтесь, ризы ва́ша в кро́ви А́гнчей на зем-
ли убелѣвшія;

ра́дуйтесь, живота́ вѣчнаго нам ходатаицы.

Ра́дуйтесь, душъ, ищущихъ поко́я в милосѣрдии
Бо́жии, утверждѣние и хранѣние;

ра́дуйся, Софіе, от суеты́ мирскія ны
ограждающая.

Ра́дуйся, Вѣро, доброцѣнная кади́льнице,
фимиамъ хвалы́ Бо́гу возносящая;

ра́дуйся, нас грѣшныхъ вѣрою просвѣщающая.

Ра́дуйся, Надѣждо, в скорби́ утѣшеніе и при-
бежище наше;

ра́дуйся, в печалехъ нашихъ лучезарная
вѣстнице избавленія.

Ра́дуйся, Любы́, незлобіе и кротость в сердца́
наша вливающая;

ра́дуйся, та́инственная звездо́, от тесноты́
земны́а горé ны возно́сящая.

Ра́дуйся, Софи́е, му́драя и пречестна́я
детоводи́тельнице;

ра́дуйся, богому́драго жити́я моля́щимся ти
устрои́тельнице.

Ра́дуйтеся, Ве́ро, Наде́ждо и Любы́, кúпно с
Софи́ею, ма́терию ва́шею прему́дрою.

Конда́к 12

Благода́ть Бо́жию прия́ти сподо́бивши́ся,
моли́те о нас, святы́а му́ченицы, Пречи́стаго
Влады́ку Христа́, да ми́лостив бу́дет к нам грéш-
ным, с ве́рою, наде́ждою и любóвию Ему́ Еди́но-
му, Го́споду и Спа́су на́шему, смире́нно пою́щим:
Аллилу́иа.

И́кос 12

Поём ва́ша крéпкия по́двиги, ве́рою,
наде́ждою и любóвию проникновénныа, почита́-
ем страда́ния ва́ша презéльная, хва́лим дивное
терпе́ние ва́ше, ублажа́ем кончи́ну, за Христа́
ва́ми радóстно подъя́тую, велича́ем необори́мое
му́жество ва́ше, святы́а му́ченицы Ве́ро, Наде́ждо
и Любы́, и му́драя ма́ти Софи́е, и прославля́ю-
ще вас, взыва́ем си́це:

Ра́дуйтеся, а́ки три струи́ мо́лниины, от
восто́к да́же до за́пад добродéтельми сво́ими
просия́вшия;

ра́дуйтеся, фи́али ве́ры, наде́жды и любве́,
животво́рным пита́ем ду́ши на́ша напая́ющии.

Ра́дуйтеся, три́е светоза́рнии путе́, ко пре-
сто́лу сла́вы Госпо́дни нас веду́щии;

ра́дуйся, Софи́е, ча́д ра́ди твои́х от ли́ка свя-
ты́х похва́ленная.

Ра́дуйся, Ве́ро, цве́те ве́ры, па́че сне́га
белéйший;

ра́дуйся, усла́ждéние стра́ждущих.

Ра́дуйся, Наде́ждо, угнетéнных серде́ц
возноше́ние;

ра́дуйся, а́ки пото́к цельбоно́сный, жа́жду
скорбя́щих душ утоля́ющая.

Ра́дуйся, Любы́, вéнче из ми́ра, ра́дования и
бла́гости соплетéнный;

ра́дуйся, умная́ зарни́це вéчности.

Ра́дуйся, Софи́е, же́зде си́лы, крóтце и му́дре
ча́да наказу́яй;

ра́дуйся, богове́дения пресвётлая лучé, душáм
на́шим возсиява́ющая.

Ра́дуйтеся, Ве́ро, Наде́ждо и Любы́, купно́ с Софи́ею, ма́терию ва́шею премудро́ю.

Конда́к 13

О святы́я и достохва́льныя му́ченицы Ве́ро, Наде́ждо и Любы́, и му́драя ма́ти Софи́е, ны́не прие́мше ма́лое си́е моле́ние на́ше, от вся́ких ны́ бед, боле́зней и скорбе́й моли́твами ва́шими изба́вите, да сподо́бльшеся во Ца́рствии Небе́снем зрети́ безсме́ртнаго Го́спода Иису́са, с ва́ми вку́пе воспоём Ему́: Аллилу́иа.

Этот конда́к чита́ется три́жды, зате́м 1-й и́кос «А́нгели на Небеси́...» и 1-й конда́к «Избра́нным раба́м...».

Моли́тва пе́рвая

О святы́я и достохва́льныя му́ченицы Ве́ро, Наде́ждо и Любы́, и до́блестных дще́рей му́драя ма́ти Софи́е! К вам ны́не со усер́дною моли́твою притека́ем. Что бо па́че возмо́жет предста́тельствovati за ны́ пред Го́сподем, а́ще не ве́ра, наде́жда и любы́, три́ сия́ добродете́ли пребыва́ющия, во ихже́ о́браз нарече́нныя, са́мою ве́щию о́ныя яви́сте? Умоли́те у́бо Го́спода, да в ско́рбех и напа́stech неизрече́нною благо-

да́тию Своёю покры́ет ны, и сохрани́т, и Того́ сла́ву, я́ко со́лнце незаходи́мое, зрёти да сподо́бит. Споспешеству́йте нам во смире́нных молéниях на́ших, да прости́т Госпо́дь Бог грехи́ и беззакóния на́ша, и да поми́лует нас грéшных, и щедро́т Свои́х да сподо́бит нас Христóс Бог, Ему́же сла́ву возсыла́ем, со Безнача́льным Его́ Отце́м, и Пресвяты́м и Благо́м и Животворя́щим Его́ Ду́хом, ны́не и прісно и во ве́ки веко́в. Ами́нь.

Моли́тва вторая

Вас, святы́я мученицы, Ве́ро, Наде́ждо и Любы́, сла́вим, велича́ем и ублажа́ем, купно с му́дрою ма́терию Софи́ею, ейже покланя́емся, я́ко о́браз богому́драго попечéния явля́ющей. Умоли́, святая́ Ве́ро, Творца́ ви́димых и неви́димых, да ве́ру кре́пку, небла́зненну и неруши́му пода́ст нам. Хода́тайствуй, святая́ Наде́ждо, пред Го́сподем Иису́сом за нас грéшных, да упова́ние на блага́я не отженéт от нас и от вся́кия ско́рби и ну́жды да изба́вит ны́. Испове́ждь, святая́ Любы́, Ду́ху и́стины, Уте́шителю, напа́сти и печа́ли на́ша, да То́й свы́ше сла́дость небéсную ниспо́слет душа́м на́шим. Помози́те у́бо в беда́х на́ших, святы́я

мученицы, и купно с мудрою матерію вашею Софіею, молитѣ Царя царей и Господа господствующих, да сохранит под покровом Церковь Свою святую. Со слезами умиленно припадающе к вам, вашего теплаго представительства пред Богом усердно молим, да купно с вами и со всеми святыми превознесем и препрославим пресвятое и великое имя Отца и Сына и Святаго Духа Бога, Предвечнаго Владыки и благих Содетеля, ныне и присно и во веки веков. Аминь.

